

Til

Anna Nordlund

Arne Ramslien

Benedicte R. Rikstad

Eilen Korneliussen

Ingrid Hindenes

Isabell Antonissen Hansen

Kristin Trædal

Stein Juan Carlos Fyllingsnes

Tore Gjerstad

## Referat frå møte i Kommunalt foreldreutval 06.02.18

Møtet fann stad på Rådhuset i formannskapssalen.

Desse møtte: Benedicte R. Rikstad, Arne Ramslien, Kristin Trædal, Anna Nordlund, Ingrid Hindenes, Stein Juan Carlos L Fyllingsnes og Tore Gjerstad.

Meldt forfall: Eilen Korneliussen, Isabell Antonissen Hansen

Frå administrasjonen møtte: Rådgjevar Kari Sæle (sak 3/18), Kristin Moe og Dina Dyrhovden.

Sakliste:

**Sak 01/18      Godkjenning av innkalling og sakliste**

**Vedtak: Godkjent**

**Sak 02/18      Godkjenning av referat frå møte 14.11.17**

**Vedtak: Godkjent**

## **Sak 03/18      Førebygging og § 9a**

Rådgjevar Kari Sæle orienterte om korleis Lindås kommune har arbeidd og arbeidar mot mobbing. Vedlagt presentasjon som vart nytta i orienteringa.

Drøfting, spørsmål og svar.

- Sosiale medier som arena for negativ åtferd – Nettvett for elevar, vaksne som rollemodellar. Kan vere aktuelt å kome inn på når Professor Ingrid Lund skal delta på Temakveld for elevar, foreldre, tilsette og andre interesserte 07.05.18.
- Forbod mot mobiltelefon på skulen - Telefonhotell – Bruk av telefon i undervisinga.
- Lærarar som er gode på «varme og kontroll» - korleis rekrutterer ein? Kommunen er blitt meir profesjonell i tilsetjingar. Viktig å signalisere forventningar til standar og eigenskapar.
- Korleis følgjer ein opp korleis stoda er på den einskilde skule? Einingsleiar og kommunalsjef har dei siste 3-4 åra reist på kvalitetsbesøk på skulane etter ein plan. Forma på møtene er under utvikling. Faste tema er læringsmiljø (elevundersøkinga) og læringsresultat (kartleggingsprøvar og nasjonale prøvar). Møtene er no 2-delte. Del 1: Møte med elevar, foreldre og tilsette. Del 2: Møte med skulen. Det er viktig med informasjon i god tid til deltakarane, slik at elev- og foreldrerepresentantane får tid til å førebu seg me. Det er ønske om informasjon grovplan for når kvalitetsbesøka er. Skuleeigar har også eit årshjul for oppfølging av skulane.
- Informasjon om lov, rett og plikt: Lindås kommune har oppdatert informasjon på heimesida, det vart annonsert endring i lov i haust, skulane har ansvar for å informere elevar og føresette.

### **Oppsummering**

Sosiale medier og mobbing: Kommunalt foreldreutval meiner det er viktig å setje sosiale media og digital mobbing på agendaen.

Mobil i skuletida: Kommunalt foreldreutval innhentar informasjon frå Samarbeidsutvala ved skulane i Lindås, der foreldre, elevar og tilsette er representerte, om kva erfaringar dei ulike skulane har gjort i høve til bruka av mobiltelefon i skuletida. Dette vert samanfatta og vert sak på neste møte.

Kommunalt foreldreutval takka Kari Sæle for orienteringa.

## **Sak 04/18      Måltid i skule og SFO**

Gjennomgang av resultat frå KFU si undersøking på korleis det vert lagt til rette på SFO/skulane. KFU hadde fått inn svar frå 5 skular/SFO.

Kommunalt foreldreutval drøfta saka.

**Vidare arbeid:** Kommunalt foreldreutval vil oppfordre skulane til å legge godt til rette for måltid. Leiar i KFU utarbeider framlegg til eit brev til skulane. Sak på neste møte.

## **Sak 05/18      Symjeopplæring i Lindås kommune**

Kommunalsjef Kristin Moe orienterte. Lindås kommune har gjennomført ei karlegging av symjeopplæringa ved skulane i Lindås kommune. Resultat ligg i protokoll frå levekårsutvalet 23.01.18. Sjå vedlagt lenke:

[http://innsyn.sing.no/Lindas/innsyn/wfinnsyn.ashx?response=journalpost\\_detaljer&journalpostid=2018001331&](http://innsyn.sing.no/Lindas/innsyn/wfinnsyn.ashx?response=journalpost_detaljer&journalpostid=2018001331&)

Det er store skilnader i tilbodet og det vert gjort tiltak for å utjamne forskjellane.

- Det er to basseng i Lindås kommune. Administrasjonen skal sjå på korleis ein kan bruke denne ressursen mest mogeleg effektivt.
- Administrasjonen vurderer å ta i bruk elektronisk rapportering på eleven sin symjekompetanse.
- Administrasjonen ser på om det er mogeleg å tilby symjing som aktivitet i SFO og evt vurdere utvida skuledag for å få til symjing for elevar. Kommunalsjef har drøfta temaet med Ungdomsrådet. Dei var positive til dette.

Kommunalt foreldreutval drøfta saka.

Representant for barnehage orienterte om ei utfordring: Alle barn i barnehage har rett på gratis symjeopplæring. «Trafikksikker barnehage» i Lindås kommune står i vegen pga kompliserte reglar for sikring av barn i bil/drosje/buss.

### **Oppsummering:**

Kommunalt foreldreutval tek informasjon frå kommunalsjef til orientering.

Kommunalt foreldreutval er positive til å «tenke utanfor boksen» for å få god symjeopplæring til elevane. Vurder gjerne samarbeid med Symjeforeningar/Idrettslag som har tilbod. Vurder gjerne å leige inn symjeinstruktør for meir effektiv/intensiv symjeopplæring.

## **Sak 06/18      Innspel frå KFU til innhald på Temasamling**

Lindås kommune arrangerer årleg to temasamlingar som er opne for alle (elevar, foreldre, tilsette, frivillige, andre interesserte). Barnevernsproffene og Leo Aikic har vore innleiarar på dei to første samlingane. I planlegginga av desse har kommunen hatt tett involvering og samarbeid med Ekspertpanelet (som har representantar frå MOT, Ungdomsrådet og Salto). For våren 2018 er det planlagt temasamling 07.05.18 med profssor Ingrid Lund. Tema: Å høyre til, inkludering, mobbing.

Ekspertpanelet har ønska seg Samuel Massie til temasamlinga hausten 2018. Adminstrasjonen arbeidar med å få dette til.

**Vidare arbeid:** Kommunalt foreldreutval vil kome med innspel til aktuelle innleiarar til temasamling våren 2019. Sak på neste møte.

## **Sak 07/18      Skriv og meldingar**

- **Evaluering av leksehjelpordninga i Lindås kommune våren 2018.**  
Det skal gjerast ei evaluering av leksehjelpordninga i Lindås kommune våren 2018. Leksehjelp er eit frivillig tilbod. I Lindås vert det gjeve leksehjelp til elevar på 5.-7. trinn. Det er pedagog som gjev leksehjelp. Det vil bli henta inn vurderingar av tilbodet og innspel frå elevar, foreldre og tilsette.
- **Nasjonal evaluering av skulefritidsordninga SFO**  
Lindås kommune er valt ut til å delta i ei nasjonal evaluering av SFO. Lindås kommune har sendt ut melding til barneskulane om deltaking. Kommunalt foreldreutval oppmodar alle foreldre som har barn i SFO om å delta i evalueringa.
- **Aktuell informasjon frå oppvekstsektoren**  
*Språkkommune:* Lindås kommune startar no opp BRU-nettverk med fokus på overgangar mellom barnehage/SFO/skule.  
*Ny kommune:* Administrasjonen er starta på arbeidet med bygging av nye Alver kommune. Prosjektet Betre læringsmiljø vert startprosjektet for dei tre kommunane innanfor oppvekst. Arbeidet med å bygge ein ny kommune vil krevje mykje og skal gå parallelt med ordinær drift.

**Sak 08/18    Møteplan**

Neste møte i KFU 20.03.18 kl 17.30 – 19.30. Skrivar sender innkalling i Outlook.

Til neste møte har leiar klart framlegg til vidare møteplan: Ordinære møter i KFU og dato for årsmøte.

Knarvik 13.02.18

Dina Dyrhovden, skrivar